



BASES DE PARTICIPACION NO X CERTAME "FESTA DA XIBA"

A Concellería de Promoción Económica, Turismo e Medio Ambiente do Concello de Sada organiza o X Certame "Festa da Xiba" co obxectivo de promocionar e potenciar o sector hostelero, a restauración e o turismo no municipio, que se celebrará 26, 27 e 28 de abril de 2019.

1ª Ámbito de participación:

O X Certame "Festa da Xiba" correspondente a 2019, circunscribe aos límites administrativos do municipio de Sada, podendo polo tanto participar nel calquera establecemento adicado á hostelería e restauración do concello de Sada.

2ª Obxecto de participación:

Cada establecemento participante poderá presentar a concurso un máximo de unha (1) tapa, debendo contar entre os seus ingredientes básicos con produtos típicos da comarca e especialmente a xiba.

Segundo o acordado, cos representantes da hostalería, as tapas presentadas a concurso terán un prezo fixo de 1€, previa consumición no local, ao seu prezo correspondente, segundo a carta de cada establecemento.

3ª Inscripción: As instancias solicitando tomar parte no certame presentaranse no Rexistro Xeral do Concello ou nalgún dos lugares previstos no artigo 16.4 da Lei 39/2015, de 1 de outubro. O prazo de presentación de instancias será do 21 ao 29 de marzo de 2019 (a.i.), en horario de 09:00 H. ás 14:00 H. Os establecementos deberán ter cumplimentada toda a información recollida na ficha, especialmente no caso dos horarios de dispoñibilidade da tapa presentada, para a súa degustación tanto polos clientes, como polo xurado.

4ª Difusión e material de participación:

Pechado o prazo de inscrición, o Concello de Sada difundirá e publicará a listaxe dos establecementos participantes mediante cuñas de radio, cartelería publicitaria, a través da páxina web municipal www.concellodesada.com, redes sociais, e outros medios de difusión.

Así mesmo, quedará distribuído equitativamente o material publicitario na Oficina de Turismo entre as 10:00h. E as 15:00h.

Facilitarase a cada establecemento un albarán como xustificante do material recibido.

En caso de non poder recoller o material, deberán poñerse en contacto coa concellería e indicar un día e hora específico para tal fin, en horario de mañá.

5ª Modo e período de participación:

A tapa presentada ao concurso deberá estar anunciada e exposta de forma destacada no establecemento, así como en nº suficiente e razoable de unidades ou porcións, do 26 ao 28 de abril.

Os establecementos concursantes deberán ter expostos nun lugar visible o cartel anunciador do concurso, facilitado polo Concello de Sada, no que aparecerán relacionados os establecementos que participan no concurso.

O Concello distribuirá entre os establecementos boletos que, a disposición gratuita do consumidor, servirán para determinar a tapa gañadora do concurso por votación do público participante, previa consulta a través do formulario de inscrición.

6ª Modalidades de votación:

Premio do Público: Sumaranse os votos de ambas modalidades de cara a puntuación total.

a) Papeletas de votación:

O cliente poderá votar a súa tapa favorita a través de papeletas individuais enchendo un mínimo de 3 selos, e un máximo de 5, cuñados polos establecemento para entrar no sorteo de premios, logo de cubrir os seus datos de contacto.

Os clientes poderán repetir votos no mesmo ou distinto local, pero a efectos dos sorteos, só serán recollidas un máximo de 3 papeletas.

O Sorteo dos clientes que completen as rutas do "Papatapas" celebrarase o venres 3 de maio no Salón de plenos do Concello as 20:00h. Os/as agraciados/as, que non estean presente, serán informados por teléfono, e terán de 7 días desde a publicación dos resultados para recoller os seus premios, quedando estes sen efecto logo do prazo mencionado.

Premio do xurado profesional

O Concello de Sada a través da Concellería de Promoción Económica e Turismo, propondrá un xurado integrado por profesionais do sector, que deberán ir identificados e puntuar cada unha das tapas presentadas a concurso entre 1 e 5 puntos, atendendo a: cuidado e presentación, sabor, dificultade de elaboración, ingredientes propios da comarca utilizados, textura e disposición do concursante, destacando sempre o ingrediente da xiba.

Para a cata e valoración e unha vez que o xurado está identificado no establecemento, ofrecerán ao mesmo, de forma gratuita:

1 Tapa do concurso, 1 vaso ou botellín de auga.

No caso de que o mesmo xurado repita, ou pida unha consumición diferente da indicada, se lle cobrará o PVP segundo a carta de prezos do establecemento en cuestión.

Votación nas Redes (Facebook – Grupo Eres de tapas si...)

O concello en colaboración da páxina de facebook "Eres de Tapas Si...", outorgará un premio especial aos establecementos participantes e aos clientes que degusten a xiba.

Para participar, o cliente deberá facer unha foto da tapas dos locais participantes, e compartila no grupo "Eres de Tapas Si...". A partires das cinco publicacións, contarán como votos extra para o mesmo. O cliente que conte con máis publicacións será o gañador do mesmo.

Asemade, deberán engadir á publicación os hashtag: #festadaxiba e #eresdetapassi, para que os votos sexan válidos. No caso de empate, prevalecerá o usuario que suba máis fotos nun mesmo día.

7ª Reconto de votos:

O Concello de Sada, a través do persoal designado a tal fin, recontará os boletos de votación utilizados entre os días 29 de abril e o 2 de maio.

8ª Premios:

Establécense os seguintes premios:

- Para os locais



a) **Premio do Público**, para a tapa gañadora segundo a puntuación media obtida unha vez recontados os votos válidos emitidos polos clientes: 200€, un trofeo e un diploma honorífico. Ademais de constar a súa tapa na portada do Facebook de Turismo de Sada durante 7 días.

b) **Premio do Xurado**, para a tapa gañadora votada polo xurado definido no apartado 6º, recibirá 250€ en metálico, un trofeo e un diploma honorífico. Ademais de constar a súa tapa na portada do Facebook de Turismo de Sada durante 7 días.

-c) **Premio Redes sociais**, consistente nun trofeo e nun diploma honorífico. Ademais de constar a súa tapa na portada do Facebook de Turismo de Sada durante 7 días.

En caso de coincidir o primeiro premio no mesmo local en varias categorías, o trofeo automaticamente pasará ao seguinte clasificado. No caso de haber empate, valorarase a media entre as distintas categorías.

- Para os clientes

d) **Premios directos**: Recheando as enquisas, ou ben entregando as papeletas cubertas, de 3 a 5 selos cubertos, o cliente poderá canxear os mesmos por camisetas, mochilas, chaveiros, etc. (válido ata fin de existencias).

d) **Voto con 3 selos**: Sorteio dun vale por valor de 50 € (cincuenta euros), canxeable por unha comida/cea a escoller polo premiado, nun dos locais participantes do concurso aos clientes que voten nas papeletas individuais.

e) **Voto con 5 selos**: Sorteio dun vale por valor de 100 € (cen euros), canxeable por unha comida/cea a escoller polo premiado, nun dos locais participantes do concurso aos clientes que voten nas papeletas individuais, e merchandising de Turismo de Sada.

Os vales recolleranse na oficina de turismo ou ben na Concellería de Promoción Económica, e terán validez por 30 días desde o momento da entrega.

Terán un só uso en cada establecemento. Se o importe da(s) consumición(s) supera o do vale, o cliente aportará a diferenza. En caso de non alcanzar o valor do vale, en ningún caso, o establecemento compensará ao cliente pecuniariamente, e o vale constará como disfrutado.

f) Facebook, Grupo Eres de tapas si...:

- Ao gañador do concurso de facebook se lle outorgará un bono de consumicións nos locais por valor de 50€, merchandising de Turismo de Sada, e un diploma

9º Resolución:

O Concello de Sada a través do persoal que se designe, será o encargado de facer o recuento dos votos, do seguinte xeito:

Aquel establecemento que obteña a puntuación media máis alta será o gañador absoluto do concurso.

Os locais participantes poderán estar presentes durante o proceso de recuento oficial de votos previa solicitude, e a resolución do concurso trala votación será inapelable, non podendo quedar deserto.

No caso de que o premio non sexa reclamado e retirado na data sinalada ou nun prazo de 7 días desde que sexan publicados, ou que o gañador non cumpra cos requisitos mencionados anteriormente, o premio quedará sen efecto. Así, calquera cambio de teléfono por parte do gañador, é responsabilidade do participante.

O Cliente ao cubrir os seus datos de participación aceptará expresamente as bases do concurso e a publicación do seu nome en caso de saír gañador do concurso. De acordo coa Lei de protección de datos poderá exercer o dereito de rectificación, cancelación ou oposición previstos na lei, mediante un escrito dirixido á Concellaría de Promoción Económica e Turismo do Concello de Sada, cancelando así a súa participación, pasando así o premio á listaxe de reserva.

Por indicación expresa do xurado, poderán otorgarse mencións especiais ou accesits.

10º Aceptación das Bases:

A participación no X Certame "Festa da Xiba" implica a aceptación destas bases, así como a resolución das mesmas.

Sada, 20 de marzo de 2019.

Asdo.

O Concelleiro de Promoción Económica, Turismo e Medio Ambiente:

Xosé Lois Suárez Becerra.



Xosé Lois Suárez Becerra
Concelleiro de P. Económica,
Turismo e Medio Ambiente.